



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Q. 178. Quis sit dominus rei venditæ.

urn:nbn:de:hbz:466:1-42561

973 §. 13. Si prudenter dubites, an res venalis sit furtiva, quia possessor videtur esse malæ fidei, illicitè emes, quia te expones periculo usurpandi alienum; sine causa tamen dubitare non oportet, quia delicta non præsumuntur. Quod si tu ipse bonâ fide rem possederis, & superveniat dubium, an sit tua, poteris vendere, si emptori admonito te obliges de sustinendo evictionis periculo, Laym. n. 27. Dicast. de Rest. d. 5. n. 215. Petsch. pag. 584.

974 Q. 178. *Quis sit dominus rei venditæ.* R. Jure civili & Gentium dominium mercis etiam traditæ non antea acquiritur emptori, quam pretio persoluto vel asscurato per cautionem pignoris vel fidejussoris, aut per fidehabitionem, quam Stryck. de caut. contr. f. 2. c. 8. l. 24 dicit non esse præsumendam, sed ab emptore probandam, licet in hoc contradicant Barb. & alii. Quando autem venditor principalis est Ecclesia, fiscus vel Minor, res per venditionem Ministri, Procuratoris vel Curatoris non alienatur ante aequalem solutionem, uti ex L. *Si Curator*, 5. *De Jure fisci*, & Gl. ibid. colligunt Mol. Less. Laym. & Castr. apud Jlls. t. 4. d. 3. n. 190. In dubio autem censetur aliis venditor tradens mercem cedere dominium emptori, multò magis si jam recusat pretium rei emptæ, vel pro soluto habeat, & contentus sit promissione, uti communiter sit, datum merx hoc ipso transit in dominium emptoris, vel ex jure positivo, uti vult Mol., vel ex jure naturæ & intentione contrahentium, uti vult Lugo d. 20. n. 17., nam alioqui censetur venditor tum priùs velle se abdicare dominio, quando præstatur pretium, vel aliquid æquivalens, ideoque

que manet venditoris, & si ablata fuerit, debet huic restituī; si autem sit vendita pretio tantūm assecurato, *Cuj. Med. Nav. Reb. Bonac. aliiq; apud Lugo n. 16.* dicunt adhuc debere præferri venditorem, quia res est loco pretii; Econtrà *Covarr. Mol. Vasq. Laym. Castrop. Lug. fili. n. 204.* & alii æquè probabilit̄ negant, quam sententiam discussis utrimque rationibus defendit *Petsch. à p. 657.*, quia talis merx est sub dominio emptoris, non aliter atque res aliæ; neque verum est, quod res talis maneat hypothecata seu obligata venditori, nisi exp̄ressè sit de hoc conventum, sed transit in dominium emptoris sine reali onere rem afficiente: quod *Conf.* quia si res talis ab emptore vendatur tertio, primus venditor haberet actionem in hunc tertium pro obtainendo pretio, quod primus emptor necdum persolvisset, res enim illa, urchote hypothecata, transiret cum onere, hoc autem negant adversarii, ergo signum est obligationem solvendi non esse realem, quæ mercem ipsam afficiat, sed esse tantūm personalē. Neque universaliter verum est, quod pretium sit loco rei, uti n. 966. dictum est.

*Q. 179. Quid addendum sit circa rem duobus venditam. R. Hæc pauca: Si prior emptor solvit pretium, posterior, qui non solvit, licet rem habeat, non acquirit dominium: Nec posterior tum acquirit, quando cum primo emptore initum est pactum non vendendi alteri, tum enim apponitur clausula *Constituti*, id est, Venditor constituit se possessorem pro emptore, ideoque hic Emptor incipit possidere, & præcessit æquivalenter traditio, hinc posterior venditio est invalida. Quod si posterior emptor, cui res etiam soluto pretio tradita*